

- I. Reykjavík, Kópavogi, Hafnarfirði, Garðabæ, Seltjarnarnesi, Mosfellsbæ, Bessastaðahreppi, Reykjanesbæ, Grindavík, Miðnes-, Gerða- og Vatnsleysustrandarhreppi. Hámarkstala er 560 atvinnuleyfi.
- II. Akureyri. Hámarkstala er 20 atvinnuleyfi.
- III. Árborg. Hámarkstala er 7 atvinnuleyfi.

3. gr.

Við 2. málslíð 1. mgr. 6. gr. bætast orðin „...“ og fötlun hindri þá ekki í starfi.“

4. gr.

Lokamálsliður 1. mgr. 7. gr. fellur niður.

5. gr.

3. málslíður 1. mgr. 16. gr. orðist svo:

Þó má orlofsútgærd aldrei vara lengur en 63 daga á ári nema nýtt sé heimild til færslu daga frá fyrra tímabili sbr. 2. mgr. þessarar greinar.

6. gr.

Á eftir 2. mgr. 19. gr. kemur ný málsgrein er orðast svo:

Atvinnuleyfihafi sem sviptur hefur verið ökuleyfi lengur en þrjá mánuði skal leggja inn atvinnuleyfið til Vegagerðarinnar á meðan ökuleyfissvipting varir.

7. gr.

3. mgr. 24. gr. orðist svo:

Bifreiðastöð skal sjá til þess að ekki séu notaðar aðrar bifreiðar til leiguaksturs á bifreiðastöð en þær sem skráðar eru sem leigubifreiðar og eru eign viðkomandi leyfishafa eða leyfishafi er skráður fyrsti umráðamaður að, skv. samningi við fjármálafyrirtæki, sbr. lög nr. 161/2002 um fjármálafyrirtæki.

8. gr.

Reglugerð þessi sem sett er samkvæmt lögum nr. 134/2001, um leigubifreiðar, öðlast gildi 1. október 2005 og staðfestist hér með til eftirbreytni öllum þeim sem hlut eiga að máli.

*Samgönguráðuneytinu, 23. febrúar 2005.*

**Sturla Böðvarsson.**

*Ragnhildur Hjaltadóttir.*

## SAMÞYKKT

### um hreinsun, losun og frágang rotþróa á Fljótsdalshéraði.

1. gr.

Frárennsli sérhverrar húseignar á Fljótsdalshéraði, sem ekki er unnt að tengja við fráveitukerfi í eigu og rekstri sveitarfélagsins, skal leiða gegnum rotþró og frekari hreinsun (alla jafnan siturlögn) samkvæmt ákvæðum samþykktar þessarar. Þar sem þannig hagar til að ekki

verði komið við rotþró og reglubundinni seyrulosun, getur heilbrigðisnefnd Austurlands heimilað aðrar lausnir.

Húsráðendur og forsvarsmenn fyrirtækja eða stofnana eru ábyrgir fyrir því að fráveitur húsa á þeirra vegum séu í samræmi við lög og reglur þar um.

Samþykki heilbrigðisnefndar Austurlands þarf fyrir nýjum og endurbættum fráveitum. Stærð, staðsetning og frágangur rotþróa er háð samþykki heilbrigðisnefndar Austurlands og úttekt byggingafulltrúa.

#### 2. gr.

Fljótsdalshérað annast alla meðhöndlun seyru í sveitarfélaginu, þ.e. seyrulosun úr rotþró, ásamt flutningi, endurnýtingu eða förgun. Heilbrigðisnefnd Austurlands annast eftirlit með starfsemi.

Bæjarstjórn er heimilt að fela öðrum aðilum meðhöndlun seyru, enda hafi viðkomandi starfsleyfi í samræmi við reglugerð nr. 785/1999 um starfsleyfi fyrir atvinnurekstur sem getur haft í för með sér mengun.

Umráðamenn eða eigendur fráveitna skv. 1. gr. geta þó falið öðrum en Fljótsdalshéraði meðhöndlun seyru, enda framvísi þeir samningi til þriggja ára í senn, að lágmarki, við þjónustuaðila með gilt starfsleyfi.

#### 3. gr.

Meðhöndlun seyru skal framkvæmd undir yfirstjórn Fljótsdalshéraðs, sem sér um samskipti við þá aðila, sem málið varðar, svo sem vegna frágangs, förgunar eða nýtingar á seyru, í samræmi við reglugerð nr. 799/1999 um meðhöndlun seyru.

#### 4. gr.

Rotþrær og siturlagnir skulu yfirfarnar annað hvert ár að jafnaði. Aðili með gilt starfsleyfi til meðhöndlunar seyru skal annast það verk og fjarlægja seyru þegar þess gerist þörf, þannig að virkni rotþróa og siturlagna sé tryggð.

Eigandi fráveitunnar skal sjá til þess að greiður aðgangur sé með hreinsitæki að rotþrónni.

#### 5. gr.

Bæjarstjórn er heimilt að innheimta gjöld vegna seyrulosunar og eftirlits með fráveitum samkv. 1. gr., með gjaldskrá sem sett er á grundvelli 5. mgr. 25. gr. laga um hollustuhætti og mengunarvarnir nr. 7/1998, með síðari breytingum og að fenginni umsögn heilbrigðisnefndar. Gjöld mega aldrei vera hærrí en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Gjöld skulu lögð á hverja fasteign, stofnun eða fyrirtæki sem nýtur þjónustunnar. Birta skal gjaldskrána í B-deild Stjórnartíðinda.

#### 6. gr.

Heimilt er að innheimta aukagjald af eiganda eða umráðamanni fráveitu, ef seyrulosun er óvenju kostnaðarsöm, einnig ef um sérstaka rotþró er að ræða við útihús eða þegar sérstakar aðstæður krefjast aukinnar þjónustu.

Gjald þetta skal þó aldrei vera hærrí en sem nemur sannanlegum kostnaði við verkið.

#### 7. gr.

Hafi húsráðandi fram að færa kvörtun vegna seyrulosunar eða meðhöndlunar seyru skal hann koma slíkri kvörtun á framfæri við umhverfisfulltrúa sveitarfélagsins sem síðan kemur

kvörtuninni á framfæri við framkvæmdaraðila verksins. Viðkomandi á málskotsrétt til heilbrigðisnefndar Austurlands. Að öðru leyti fer um málskot samkvæmt lögum nr. 7/1998 um hollustuhætti og mengunarvarnir með síðari breytingum.

Mál út af brotum á samþykkt þessari ber að fara með að hætti opinberra mála.

8. gr.

Framangreind samþykkt bæjarstjórnar Fljótsdalshéraðs staðfestist hér með samkvæmt 25. gr. laga nr. 7/1998 um hollustuhætti og mengunarvarnir með síðari breytingum til að öðlast gildi við birtingu.

*Ákvæði til bráðabirgða.*

Eigendur húseigna sem ekki tengjast frárennsliskerfi á vegum sveitarfélagsins og falla undir 3. mgr. 13. gr. í reglugerð nr. 798/1999 um fráveitur og skólp og hafa ekki fullnægjandi frágang á rotþró og siturlögnum, hafa frest til 1. júlí 2006 til að uppfylla ákvæði 1. mgr. 1. gr. samþykktarinnar.

*Umhverfisstjórnuneytinu, 22. febrúar 2005.*

F. h. r.

**Ingimar Sigurðsson.**

---

*Sigurbjörg Sæmundsdóttir.*

## AUGLÝSING

### um váttryggingafjárhæðir í aksturskeppni.

1. gr.

Ákveðið hefur verið að váttryggingafjárhæð vegna framkvæmdar á aksturskeppni skuli nema 53.500.000 krónum vegna hvers einstaks tjóns. Eigin áhætta skal vera 10%, þó 32.000 krónur að lágmarki og 320.000 krónur að hámarki.

Einnig hefur verið ákveðið að váttryggingafjárhæð slysatryggingar vegna starfsmanna og keppenda í aksturskeppni skuli vera 5.350.000 krónur við dauða eða varanlega örorku.

2. gr.

Ákvörðun þessi sem er tekin samkvæmt 2. mgr. 5. gr. reglugerðar um akstursíþróttir og aksturskeppni nr. 257 18. apríl 2000, gildir fyrir árið 2005.

*Samgönguráðuneytinu, 16. febrúar 2005.*

**Sturla Böðvarsson.**

---

*Ragnhildur Hjaltadóttir.*